



4 Mei 2016
4 May 2016
P.U. (A) 118

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN ANTIPEMERDAGANGAN ORANG DAN ANTIPENYELUDUPAN MIGRAN (PELEPASAN ORANG YANG DIPERDAGANGKAN) (WARGANEGARA ASING) 2016

ANTI-TRAFFICKING IN PERSONS AND ANTI-SMUGGLING OF MIGRANTS (RELEASE OF TRAFFICKED PERSON) (FOREIGN NATIONAL) REGULATIONS 2016



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA ANTIPEMERDAGANGAN DAN ANTIPENYELUDUPAN MIGRAN 2007

PERATURAN-PERATURAN ANTIPEMERDAGANGAN ORANG DAN ANTIPENYELUDUPAN
MIGRAN (PELEPASAN ORANG YANG DIPERDAGANGKAN)
(WARGANEGARA ASING) 2016

PADA menjalankan kuasa yang diberikan oleh perenggan 54(1)(b) dan 66(2)(g) Akta Antipemerdagangan Orang dan Antipenyeludupan Migran 2007 [Akta 670], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Antipemerdagangan Orang dan Antipenyeludupan Migran (Pelepasan Orang yang Diperdagangkan) (Warganegara Asing) 2016**.

(2) Peraturan-Peraturan ini mula berkuat kuasa pada 4 Mei 2016.

Pengesahan kerakyatan

2. (1) Apabila suatu Perintah Perlindungan dikeluarkan oleh Majistret kepada orang yang diperdagangkan, seorang Pegawai Pelindung yang mempunyai kawalan ke atas dan tanggungjawab bagi jagaan dan perlindungan orang yang diperdagangkan itu hendaklah mengemukakan suatu salinan Perintah Perlindungan kepada pegawai imigresen dalam tempoh tujuh hari bekerja dari tarikh penerimaan Perintah Perlindungan oleh Pegawai Pelindung.

(2) Pegawai imigresen hendaklah berjumpa dengan orang yang diperdagangkan untuk mengesahkan kerakyatan orang yang diperdagangkan itu dan untuk memastikan sama ada orang yang diperdagangkan itu mempunyai dokumen perjalanan atau sebaliknya.

(3) Jika orang yang diperdagangkan itu tidak mempunyai dokumen perjalanan dan mendakwa sebagai rakyat sesuatu negara, pegawai imigresen hendaklah memaklumkan Kedutaan atau Pejabat Suruhanjaya Tinggi yang berkenaan untuk mengesahkan dakwaan orang yang diperdagangkan itu.